

lune majutikut, illilållo kamutimut aksaloalingmut, kairkojaulauktomut sillalit illanganut. Iglome attar-tortame assianut âtsomavlugo kajusilungilak, igluble angajokkânga nangerdlune upkoame akkerartormat sorrutsib aklujub kannimajub itterninganik, Daniel goldelingmik 10 ertortomik illijivok agganginut, tamattomungalo okanga kellujauvok.

Uvlub tâpsomatsainaub ketterarêrningane ajokertuijok tikkitaavok aglangnut imailjunut:

“Opinartotit Ajokertuijok.”

“Nikkanarsaromaguvit iglokullumnut nellopkotijomut itteromavlutit, kuviasutekarniarpotit Jessikakulluk takkolugo. Tokkub kiglinganêpok, Gûdib nâp-kigosungnerminut inulingipago. Nerriukpunga iktoriktainera taimak aglarlunga issumaginianginangne, sorrusek kemagungnanginapko.

“Uvangauvunga,

“Kivgatit nâlektok,

“Daniel Standring.”

Ajokertuijub aglait atuaramigit, illivait sâmut, tagvainarlo aularpok kivgaub iglunganut. Taika Jessika innilangatsiarlune Danielib iglingane, kênanga kat-takpok, ijigik pullamavuk keblerikpugle. Upkoêrmat, Jessika niakone sangutilugo sappilerpok sangênermut, ajokertuijorlo nokkagalâlerpok Jessika takkonârkârlugo, kingornagagullo Daniel, sivumuarmallo iglub kerkânut Jessikab ulloagik aupallerpuk.

Jessikab okautivâ: “Gûdib tamainik tuksiararilauktamnik tunitsivigivânga, attausetuinarmik innoksipok sulle, tamadja Mista Daniel akkilêvigingilâ sulle kâfemik pilliutigikattalauktanganik uvamnut.”

“Takkuk,” Daniel okarpok, “akkilêvigivânga amigangimariktomik akulaitomiglo, tunitsivigingmanga tarnimnik tauksiutiksarilugo.”

“Standring,” ajokertuijok okarpok kiksarlune, “sôgle? Kristusemiônasugitsainarlaukpagit.”